



პრეზიდენტი  
დიტერ ფ. უხტდორფის მიერ  
პირველი პრეზიდენტობის  
მეორე მრჩეველი

# წრეზე სიარული

**რ**ოდისმე გაგიგონიათ ძველი გამონათქვამი, რომ დაკარგული ადამიანი წრეზე დადის?

იან ლ. სოუმენი, გერმანელი ფსიქოლოგი, ცდილობდა მეცნიერული გზით დაემტკიცებინა ამ გამონათქვამის ჭეშმარიტება. მან ექსპერიმენტის მონაწილენი დიდ ტყეებსა და სახარას უდაბნოში წაიყვანა და მათი ადგილმდებარეობის დასადგენად აბონების ადგილსამყოფელის დასადგენ გლობალურ სისტემას იყენებდა. მათ არ ჰქონდათ, არც კომპასი და არც სხვა რაიმე ხელსაწყო. მათთვის მიცემული ინსტრუქციები მარტივი იყო: ევლოთ სწორ ხაზზე აღნიშნული მიმართულებით.

მოგვიანებით ექიმმა სოუმენმა აღწერა, რაც მოხდა. „ზოგიერთ მათგანს ღრუბლიან ამინდში უწევდათ სიარული, მაშინ, როცა მზე ღრუბლებს უკან იყო დამალული და თვალსაწიერში სხვა რაიმე მანიშნებელი არ იყო. . . . ისინი ყველანი წრეზე დადიოდნენ, რამოდენიმე მათგანი გამეორებით კვებდა საკუთარ ბილიკს და ვერც კი ამჩნევდა ამას“. სხვა მონაწილენი დადიოდნენ მზის შუქზე, შორეული მანიშნებლებით მხედველობის არეში. „ესენი . . . თითქმის სრულყოფილი კურსით მიდიოდნენ“.<sup>1</sup>

ეს გამოკვლევა სხვა მეთოდების გამოყენებითაც ჩატარდა.<sup>2</sup> ყველა შედეგი ერთმანეთის მსგავსი იყო.

ხილული ორიენტირების გარეშე ადამიანებს უჩნდებათ წრეზე სიარულის ტენდენცია.

## წმინდა წერილის ორიენტირი

სულიერი ორიენტირის გარეშე კაცობრიობაც დაეხეტება. ღვთის სიტყვის გარეშე ჩვენ წრეზე დავდივართ.

ჩვენ, როგორც ინდივიდები, ასევე საზოგადოებაც, ვხედავთ ამ მაგალითის გამეორებას დასაბამიდან ყოველ წყობაში. როცა ჩვენ მხედველობიდან ღვთის სიტყვას ვკარგავთ, გზა გვერევა.

ეს უდაოდ არის იმის მიზეზი, რომ უფალმა უბრძანა ლეხის, ისევე გაეგზავნა თავისი შვილები იერუსალიმში სპილენძის ფირფიტების მოსატანად. ღმერთმა იცოდა, რომ ლეხის შთამომავლებს დასჭირდებოდათ საიმედო ორიენტირები, რომლების საშუალებითაც მათ ეცოდინებოდათ, მიდიოდნენ თუ არა ისინი სწორი კურსით.

წმინდა წერილები ღვთის სიტყვაა. ისინი ღვთის ორიენტირებია, რომლებიც გვიჩვენებენ იმ გზას, რომლითაც უნდა ვიაროთ, რათა მივუახლოვდეთ მაცხოვარს და მივალწიოთ ღირსეულ მიზანს.

## გენერალური კონფერენციის ორიენტირი

გენერალურ კონფერენციაზე მოცემული მითითებები არის კიდევ ერთი ორიენტირი, რომელიც დაგვცხმარება გავიგოთ, ვართ თუ არა სწორ კურსზე.

დროდადრო მე ვეკითხები საკუთარ თავს: „მოვისმინე ეკლესიის ბოლო გენერალურ კონფერენციაზე გამომსვლელთა სიტყვები? წავიკითხე მათი სიტყვები და კვლავ გადავიკითხე ისინი? გავიაზრე ეს სიტყვები და მოვარგე ისინი საკუთარ ცხოვრებას თუ უბრალოდ ვისიამოვნე შესანიშნავი გამოსვლებით, მაგრამ არ მოვარგე ეს შთაგონებული გამოსვლები ჩემს პირად ცხოვრებას“?

იქნებ მოსმენისა ან კითხვის დროს თქვენ მცირე ჩანაწერები მაინც გააკეთეთ? იქნებ იმის პირობა დადეთ, რომ ამიერიდან რაღაც-რაღაცეებს უკეთესად ან სხვანაირად გააკეთებდით? უბრალოდ დაფიქრდით ბოლო გენერალური კონფერენციის გზავნილებზე. ბევრმა შეგვაგულიანა ოჯახების გამტკიცებასა და ცოლ-ქმრული ურთიერთობების გაუმჯობესებაზე. უურნალ ლიახონას ამ ნომერში ასევე კეთდება აქცენტი ამ მარადიულ ფასეულობებზე და იგი მოიცავს ჩვენი ცხოვრების დასალოცად მრავალ პრაქტიკულ რეკომენდაციას.

ვაქცევთ კი ჩვენ ყურადღებას და ვიყენებთ ამ ღირებულ რჩევას? ვამჩნევთ ამ რეალურ და ფასეულ ორიენტირებს და მივდივართ მათი მიმართულებით?

## ხეტიალის საწინააღმდეგო საშუალება

სულიერი ორიენტირები აუცილებელია იმისთვის, რომ დავრჩეთ რთულ და ვიწრო ბილიკზე. ისინი ნათლად მიგვითითებენ მიმართულებას იმის თაობაზე, თუ როგორ უნდა ვიმოგზაუროთ, მაგრამ მხოლოდ იმ შემთხვევაში, თუ ჩვენ შევნიშნავთ მათ და ვივლით მათ მიმართულებით.

თუ ჩვენ უარს ვამბობთ ვიხელმძღვანელოთ ამ ორიენტირებით, ისინი გარდაიქცევიან უაზრო დეკორაციად, რომელსაც აქვს ერთი დანიშნულება - იყოს უბრალო შემადღება ჰორიზონტზე.

არ არის საკმარისი იხელმძღვანელო მხოლოდ ინსტინქტებით.

არ არის საკმარისი იქონიო საუკეთესო ზრახვები.

მხოლოდ ბუნებრივ გრძნობებზე დაყრდნობით ვერ მივალწევთ მიზანს.

მაშინაც კი, როცა ვფიქრობთ, რომ ზუსტად მივყვებით სწორ სულიერ გზას, გზის მიმთითებელი ჭეშმარიტი ორიენტირებისა და სულიწმინდის გზამკლევობის გარეშე, ჩვენ, როგორც წესი, გზა გვებნევა.

მაშასადამე, მოდით გავახილოთ თვალები და შევნიშნოთ ორიენტირები, რომლებიც კეთილმოსურნე ღმერთმა მოუშადა თავის შვილებს. მოდით წავიკითხოთ, მოვისმინოთ და მოვარგოთ საკუთარ თავს ღვთის სიტყვა. მოდით მონდომებით ვილოცოთ, შევისმინოთ და მივყვეთ სულის კარნახს. როგორც კი შევნიშნავთ ჩვენი მოსიყვარულე მამაზეციერის ღვთიურ ორიენტირებს, უნდა ავიღოთ მათზე კურსი. როცა ჩვენ მიმართული ვართ სულიერ ორიენტირებზე, რეგულარულად უნდა ვასწოროთ კურსი.

ასეთნაირად ჩვენ წრეზე კი არა, არამედ დაჯერებულად და მტკიცედ ვივლით იმ დიდი ზეციური კურთხევისკენ, რომელიც დაბადებიდან ეკუთვნის ყველას, ვინც მისდევს ქრისტეს მოწაფეობის რთულ და ვიწრო ბილიკს.

## შენიშვნები

1. იხ. იან ლ. სოუმენი და სხვები: „წრეზე სიარული“, *Current Biology* 19 (Sept. 29, 2009), 1538, [cell.com/current-biology/issue?pii=S0960-9822\(09\)X0019-9](http://cell.com/current-biology/issue?pii=S0960-9822(09)X0019-9).
2. მაგალითად, იხილეთ: "A Mystery: Why Can't We Walk Straight?" [npr.org/blogs/kruhwich/2011/06/01/131050832/a-mystery-why-can-t-we-walk-straight](http://npr.org/blogs/kruhwich/2011/06/01/131050832/a-mystery-why-can-t-we-walk-straight).

## ამ მოწოდების სწავლება

ამ გზავნილის სწავლების მზადებისას, თქვენ შეგიძლიათ წმინდა წერილში მოიძიოთ ან იმ ადამიანების მაგალითები, რომლებიც სულიერი ორიენტირებით ხელმძღვანელობდნენ ან მათი, ვინც წრეზე დადიოდნენ. შეგიძლიათ დაიწყოთ მეცადინეობა ამ ნაწყვეტებით წმინდა წერილებიდან: რიცხვი 14:26–33; 1 ნეფი 16:28–29; ალმა 37:38–47. თუ იგრძნობთ ამის საჭიროებას, შეგიძლიათ გაუზიაროთ ეს მაგალითები თქვენს მოწაფეებს. ჰკითხეთ, რა შეიძლება ვისწავლოთ ამ ნაწყვეტებიდან.

## ახალგაზრდები

### ორიენტირები თქვენთვის

პრეზიდენტი უხტდორფი აღწერს გენერალურ კონფერენციას და წმინდა წერილებს, როგორც ორიენტირებს, რომლებიც გვეხმარებიან თავი ავარიდოთ სულიერ ბოდიას. იფიქრეთ სხვა სულიერ ორიენტირებზე, რომლებმაც თქვენზე მოახდინა გავლენა და წინ წაგიდგათ ცხოვრებაში. ჩაიწერეთ დღიურში თქვენი გამოცდილება. შესაძლოა პრეზიდენტ თომასს. მონსონის ამ ციტატებმა გაგიწიონ დახმარება:

„თქვენი საპატრიარქო ლოცვა-კურთხევა გაგატარებთ ყველაზე ბნელ დამეშვიც კი. იგი ცხოვრების ხიჯათში გაგატარებთ. . . . თქვენი ლოცვა-კურთხევა არ არის ის, რასაც კოხტად დაკეცავთ და გვერდზე გადადებთ. ის არც ჩარჩოში ჩასასმელი და არც გამოსაქვეყნებელია. იგი უნდა წაიკითხოთ, შეიყვაროთ და მიჰყვეთ მას“.

„თქვენი საპატრიარქო ლოცვა-კურთხევა: შუქის ლიაზონა,“ *Ensign*, ნოემბერი 1986, 66.

„მამა ზეციერმა ისე არ გაგვიშვა მარადიულ მოგზაურობაში, რომ არ მოეცა ჩვენთვის საშუალებები,

რომლებითაც ჩვენ შევძლებდით მისგან იმ მითითებების მიღებას, რომლებიც უზრუნველყოფდნენ ჩვენს უსაფრთხო დაბრუნებას. მე ვგულისხმობ ლოცვას. მე ასევე ვგულისხმობ ჩუმი, წყნარი ხმის ჩურჩლს“.

„ცხოვრების რბოლა“ ლიაზონა, მაისი 2012, 92.

## ბავშვები

### მე საკუთარი გზის პოვნა შემიძლია

პრეზიდენტი უხტდორფი ამბობს, რომ ჩვენ უნდა მივყვეთ სულიერ ორიენტირებს, რადგან ისინი დაგვეხმარებიან ავირჩიოთ ჭეშმარიტება და მივუახლოვდეთ მხსნელს. ამ ორიენტირებიდან ერთ-ერთი არის ლოცვა, წმინდა წერილი, გენერალური კონფერენცია და ლიაზონა.

ოჯახთან ერთად წაიკითხეთ ერთ-ერთი გამოსვლა ბოლო კონფერენციიდან. რას გვიჩვენებს გამომსვლელი იმისთვის, რომ დავრჩეთ სწორ გზაზე? ოჯახთან ერთად დაისახეთ მიზანი - გამოიყენოთ ცხოვრებაში ის, რაც ისწავლეთ.



რწმენა, ოჯახი, მოწყალება

# საოჯახო ისტორიის სიხარული

ლოცვისეული განწყობით შეისწავლეთ ეს მასალა, და შესაფერ დროს იმსჯე-  
ლეთ მასზე თქვენს დებთან, მათთან სტუმრობისას. გამოიყენეთ მოცემული  
კითხვები, რათა განამტკიცოთ თქვენი დები და გადააქციოთ მოწყალების  
საზოგადოება თქვენი საკუთარი ცხოვრების აქტიურ ნაწილად. დამატებითი  
ინფორმაციისთვის იხილეთ ვებგვერდი [www.reliefsociety.lds.org](http://www.reliefsociety.lds.org).

**უ**ხუცესი რასელ მ. ნელსონი  
თორმეტ მოციქულთა  
ქვორუმიდან გვასწავლის, რომ  
ილიას სული არის „სულიწმინ-  
დის გამოვლენა, რომლითაც იგი  
მოწმობს ოჯახის ღვთაებრივ  
ბუნებაზე.“<sup>1</sup>

ჩვენ, როგორც ქრისტეს  
აღდგენილი ეკლესიის წევრებს,  
გვაკისრია აღთქმით დადებული  
ვალდებულება მოვიძიოთ  
ინფორმაცია ჩვენი წინაპრების  
შესახებ და ვუზრუნველყოთ  
მათთვის სახარების ხსნის  
წეს-ჩვეულებანი. ისინი ჩვენს  
გარეშე ვერ „მიაღწევენ სრულ-  
ყოფილებას“ (ებრაელთა 11:40),  
და „ვერც ჩვენ გავხდებით  
სრულყოფილნი ჩვენი გარდა-  
ცვლილი წინაპრების გარეშე“  
(მოძღვრება და აღთქმები  
128:15).

საოჯახო ისტორიის სამუშაო  
გვამზადებს მარადიული ცხოვ-  
რების ლოცვა-კურთხევების  
მისაღებად და გვეხმარება ჩვენი  
რწმენისა და პირადი სამარ-  
თლიანობის გაძლიერებაში.  
საოჯახო ისტორია ეკლესიის  
მისიის მნიშვნელოვანი ნა-  
წილია და იგი ყოველი ჩვენთა-  
განისთვის უზრუნველყოფს  
ხსნის სამუშაოსა და ამაღლებას.

თორმეტ მოციქულთა ქვორუ-  
მის პრეზიდენტმა, ბოიდ კ.  
პეკარმა, ბრძანა: „მაშინ, როცა

ჩვენ საკუთარ წინაპრებს  
მოვიძიებთ, ჩვენ გვიჩნდება  
ინტერესი არა მხოლოდ სახელე-  
ბით, არამედ გვიჩნდება უფრო  
ღრმა ინტერესი. . . . ჩვენი  
ინტერესი მოაბრუნებს ჩვენს  
გულებს ჩვენი მამებისკენ;  
ჩვენ ვცდილობთ მათ მოძიე-  
ბას, შეცნობასა და მათთვის  
მსახურებას.“<sup>2</sup>

## წმინდა წერილებიდან

მალაქი 4:5-6; 1 კორინთე-  
ლთა 15:29; მოძღვრება და  
აღთქმები 124:28-36; 128:15

## ჩვენი ისტორიიდან

წინასწარმეტყველი ჯო-  
ზეფ სმითი გვასწავლიდა:  
„ამ ქვეყნად ყველაზე დიდი  
პასუხისმგებლობა, რომელიც  
დაგვაკისრა უფალმა, არის ჩვენი  
გარდაცვლილი წინაპრების  
მოძიება.“<sup>3</sup> ჩვენ შეგვიძლია  
ტაძარში გამოვიდეთ ჩვენი გა-  
რდაცვლილი წინაპრებისთვის  
შემცვლელის როლში და შევას-  
რულოთ მათთვის აუცილებელი  
წეს-ჩვეულებანი.

სალი რენდოლმა, ილინოისის  
შტატის ქ. ნავუდან, რომლის  
14 წლის ვაჟი გარდაიცვალა,  
მარადიული ოჯახების არ-  
სებობის დაპირებაში დიდი  
სიმშვიდე იპოვა. მას შემდეგ,  
რაც მისი მეუღლე მოინათლა

მისი ვაჟიშვილის ნაცვლად,  
მან მიწერა თავის ნათესავებს:  
„რა დიდებულაა ის, რომ ჩვენ  
. . . შეგვიძლია მოვინათლოთ  
ყველა ჩვენი გარდაცვლილი  
ნათესავებისათვის და გადავა-  
რჩინოთ ისინი იმ დროიდან,  
რა დროიდანაც შევძლებთ მათ  
მოძიებას.“ მერე მან სთხოვა  
თავის ნათესავებს გამოეგზავ-  
ნათ მისთვის ინფორმაცია მათი  
ნათესავების შესახებ სიტყვი-  
ბით: „მე ვაპირებ გავაკეთო ყვე-  
ლაფერი, რაც შემიძლია, ჩვენი  
ოჯახის გადასარჩენად.“<sup>4</sup>

### შენიშვნები

1. რასელ მ. ნელსონი, „A New Harvest Time“, ლიახონა, ივლისი 1998, 34.
2. ბოიდ კ. პეკარი, „Your Family History: Getting Started“, ლიახონა, ნოემბერი 2011, 17.
3. *Teachings of Presidents of the Church: Joseph Smith* (2007), 475.
4. იხილეთ *Daughters in My Kingdom: The History and Work of Relief Society* (2011), 20-21.

## რა შემიძლია გავაკეთო?

1. როგორ შემიძლია დავეხ-  
მარო დებს, რომლებიც მამარია,  
მიიღონ მონაწილეობა საოჯახო  
ისტორიაში?
2. ვწერ მე ჩემს პირად  
ისტორიას?

© 2013 Intellectual Reserve, Inc. ყველა უფლება  
დაცულია. დაბეჭდილია გერმანიაში.  
ინგლისურად დამტკიცებულია: 6/12.  
თარგმანი დამტკიცებულია: 6/12. თარგმანი  
*Visiting Teaching Message, June 2013. Georgian.*  
10666 131